

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 01-01-2874/11
Sarajevo, 15.07.2011. godine

Na osnovu člana 192. Pravila Elektrotehničkog fakulteta u Sarajevu - Prečišćen tekst broj: 01-01-2966/09 od 09.10.2009. godine, nakon razmatranja prijedloga Dekana Elektrotehničkog fakulteta u Sarajevu, Upravni odbor Elektrotehničkog fakulteta u Sarajevu na svojoj 41. sjednici održanoj dana 15.07.2011. godine donosi sljedeću:

ODLUKU
o načinu finansiranja prijave i odbrane doktorske disertacije
saradnika Elektrotehničkog fakulteta u Sarajevu

Član 1.

Ovom Odlukom utvrđuje se način finansiranja prijave i odbrane doktorske disertacije u skladu sa propisima koji su važili prije uspostavljanja Bolonjskog studija, za saradnike koji su u radnom odnosu sa punim radnim vremenom na Elektrotehničkom fakultetu u Sarajevu (u daljem tekstu: "Fakultet").

Član 2.

Od ukupne cijene troškova prijave i odbrane doktorske disertacije u iznosu od 14.000,00 KM (slovima: četrnaest hiljada konvertibilnih maraka) utvrđene Odlukom Upravnog odbora o izmjenama odluke o cijeni troškova dokorskog studija broj: 01-01-2873/11 od 15.07.2011. godine doktoranti - saradnici se oslobađaju iznosa od 5.000,00 KM (slovima: pet hiljada konvertibilnih maraka) koji će biti finansiran iz sredstava Fakulteta predviđenih za magistarski i doktorski studij.

Član 3.

Prilikom prijave teme doktorske disertacije doktorant – saradnik je dužan na račun Fakulteta uplatiti iznos od 2.000,00 KM (slovima: dvije hiljade konvertibilnih maraka).

Član 4.

Fakultet omogućava doktorantima – saradnicima da preostali iznos od 7.000,00 KM (slovima: sedam hiljada konvertibilnih maraka) uplaćuju u jednakim mjesečnim iznosima u vremenskom periodu do 5 (pet) godina, obustavom na plaću.

Član 5.

Doktoranti – saradnici su dužni doktorat okončati do 30.09.2015. godine u skladu sa članom 171. stav 6. Zakona o visokom obrazovanju - Prečišćen tekst („Službene novine Kantona Sarajevo“, broj: 22/10).

Član 6.

Saradnik kojem je Fakultet omogućio način plaćanja shodno uvjetima iz ove Odluke, obavezan je da ostane u radnom odnosu na Fakultetu najmanje 5 (pet) godina nakon odbrane doktorske disertacije.

Član 7.

Ukoliko tokom izrade doktorata saradniku prestane radni odnos na Fakultetu iz bilo kojih razloga ili ukoliko ne okonča isti u roku predviđenom članom 5. ove Odluke, dužan je vratiti Fakultetu cjelokupan iznos cijene troškova prijave i odbrane doktorske disertacije umanjen za uplaćena vlastita sredstva.

Uplatu sredstava iz stava 1. ovog člana saradnik je dužan izvršiti najkasnije 7 (sedam) dana prije dana prestanka radnog odnosa, odnosno 7 (sedam) dana po isteku roka za okončanje doktorata.

Član 8.

Saradnik kojeg Fakultet stipendira obavezan je lično ili putem Fakulteta konkurisati kod nadležnog ministarstva ili drugih institucija u cilju obezbjeđenja sredstava za finansiranje troškova prijave, odbrane i izrade doktorske disertacije.

Sredstava koja saradnik ostvari po osnovi iz stava 1. ovog člana i koja budu uplaćena na račun Fakulteta predstavljat će participaciju Fakultetu u iznosu odobrenih sredstava, na način da se finansijsko zaduženje saradnika smanjuje srazmjerno dobijenim sredstvima.

Član 9.

Između doktoranta – saradnika i Fakulteta zaključice se ugovor o reguliranju međusobnih prava i obaveza, u skladu sa ovom Odlukom i Odlukom Upravnog odbora iz člana 2. ove Odluke.

Član 10.

Ova odluka stupa na snagu danom donošenja.

Član 11.

Stupanjem na snagu ove Odluke prestaje da važi Odluka o načinu finansiranja postdiplomskog studija odnosno doktorata saradnika Elektrotehničkog fakulteta u Sarajevu broj: 01-01-1252/07 od 08.06.2007. godine.

**PREDSJEDNIK
UPRAVNOG ODBORA**

Acc. dr Branislava Peruničić, dipl.el.ing



Dostaviti:

1. Dekanu
2. Prodekanima
3. Službama
4. Web stranica ETF-a u Sarajevu
5. a/a